



NEGERI SABAH

ENAKMEN LEMBAGA
KEMAJUAN PERHUTANAN
NEGERI SABAH 1981

(Sabah No. 24 tahun 1981)

*Dicietak oleh Pencetak Kerajaan
dengan kuasa Persekutuan Cetakan Undang-Undang Sabah
di bawah tekanan 1 Enakmen Cetakan Semula Undang-Undang 1967 (No. 5/1967)
dan mengandungi undang-undang yang telah dipinda
sebagaimana yang berkuatkuasa pada 16 November 1988*

KANDUNGAN

	<i>Muka Surat</i>
SUSUNAN SEKSYEN.....	1
SENARAI PINDAAN	3
ENAKMEN	5

KANDUNGAN

1

2

3

4

ENAKMEN LEMBAGA KEMAJUAN
PERHUTANAN NEGERI SABAH 1981
(No. 24 tahun 1981)

SUSUNAN SEKSYEN

BAHAGIAN I
PERMULAAN

Seksyen

1. Tajuk ringkas dan mula berkuatkuasa.
2. Tafsiran.

BAHAGIAN II

PENUBUHAN DAN KEANGGOTAAN LEMBAGA

3. Penubuhan Lembaga.
4. Keanggotaan Lembaga.
5. Perletakan jawatan dan pembatalan.
6. Hilang kelayakan menjadi ahli.
7. Pengosongan jawatan.
8. Kebenaran tidak hadir.
9. Kekosongan luar jangka dan keahlian sementara.
10. Saraan ahli-ahli Lembaga.

BAHAGIAN III
ACARA LEMBAGA

11. Mesyuarat.
12. Acara Mesyuarat.
13. Ahli-ahli berkepentingan tidak boleh mengundi.
14. Kuasa melantik jawatankuasa.
15. Mesyuarat jawatankuasa.
16. Perwakilan kuasa.
17. Kuasa Pengerusi untuk mewakilkan.
18. Penyempurnaan dokumen, dll.
19. Kekosongan tidak boleh membatalkan tindakan, dll.

BAHAGIAN IV

PENTADBIRAN

20. Perlantikan Pengurus Besar, pegawai dan penjawat.
21. Sekatan atas perubahan kepada perjawatan.
22. Pengurus Besar sebagai ketua pegawai eksekutif.
23. Pegawai atau penjawat tidak boleh berkepentingan dalam kontrak.

BAHAGIAN V
FUNGSI-FUNGSI LEMBAGA

Seksyen

24. Fungsi-fungsi Lembaga.
25. Kuasa-kuasa am Lembaga.

BAHAGIAN VI
PERUNTUKAN KEWANGAN

26. Kumpulan Wang Lembaga.
27. Pelaburan wang.
28. Kuasa-kuasa meminjam.
29. Pinjaman boleh dijamin dengan gadai-janji.
30. Kuasa memberi pinjaman.
31. Kuasa menggerenti pinjaman.
32. Anggaran tahunan.
33. Akaun.
34. Audit dan penyata akaun.
35. Laporan tahunan.
36. Akaun bank.
37. Bila tender dipanggil.

BAHAGIAN VII
AM

38. Kuasa Menteri memberi arahan.
39. Pengambilan tanah dengan paksa.
40. Pindahmilik harta kepada Lembaga.
41. Kuasa-kuasa darurat Pengurus Besar.
42. Kuasa menggantung fungsi-fungsi eksekutif.
43. Kerahsiaan dan penalti.
44. Perlindungan terhadap prosiding undang-undang.
45. Penjawat awam.
46. Akta Perlindungan Pihak Berkuasa Awam 1948.
47. Lembaga hendaklah disifatkan sebagai Anak Negeri.
48. Orang-orang yang diberikuasa untuk mendakwa.
49. Izin pendakwaan.
50. Kuasa membuat peraturan-peraturan.
51. Pemansuhan dan kecuaiian.

ENAKMEN LEMBAGA KEMAJUAN
PERHUTANAN NEGERI SABAH 1981
(No. 24 tahun 1981)

3

SENARAI PINDAAN

<i>Enakmen No.</i>	<i>Seksyen dipinda</i>	<i>Tarikh pindaan berkuatkuasa</i>
2/1987	48,49	16 - 4 - 1987
1/1991	24 (4), (5)	1 - 1 - 1982
12/1996	2 (takrif "Menteri"), 4 (1) (c)	5 - 9 - 1996

Suatu Enakmen bagi memansuhkan dan memperbuat semula undang-undang yang berhubung dengan penubuhan suatu Lembaga Kemajuan Perhutanan Negeri Sabah dan bagi membuat peruntukan untuk perkara-perkara yang bersampingan dan berkaitan dengannya bagi mengadakan peruntukan-peruntukan yang lebih baik berkenaan dengan keanggotaan, pentadbiran, acara, fungsi-fungsi dan kewangan Lembaga Kemajuan Perhutanan Negeri Sabah.

[1 Januari 1982]

DIPERBUAT UNDANG-UNDANG oleh Badan Perundangan Negeri Sabah seperti berikut:

BAHAGIAN I

PERMULAAN

1. (1) Enakmen ini bolehlah dinamakan Enakmen Lembaga Kemajuan Perhutanan Negeri Sabah 1981 dan hendaklah mula berkuatkuasa pada suatu tarikh yang ditetapkan oleh Menteri melalui pemberitahuan dalam *Warta**.

Tajuk ringkas dan mula berkuatkuasa

(2) Menteri boleh menetapkan tarikh-tarikh yang berlainan bagi mula berkuatkuasanya bahagian-bahagian atau peruntukan-peruntukan yang berlainan Enakmen ini.

2. Dalam Enakmen ini, melainkan jika konteksnya menghendaki makna yang lain—

Tafsiran

"ahli" ertinya seorang ahli Lembaga termasuklah Pengerusi dan Timbalan Pengerusi;

"balak" hendaklah mempunyai erti yang diperuntukkan kepadanya dalam Enakmen Hutan 1968;

En. No. 27/1968

"fungsi-fungsi" termasuklah kuasa-kuasa dan kewajipan-kewajipan.

"Lembaga" ertinya Lembaga Kemajuan Perhutanan Negeri Sabah (SAFODA) yang ditubuhkan di bawah seksyen 3.

*Berkuatkuasa pada 1 Januari 1982 - Jbrat P.W. 180/82.

"Menteri" ertinya Menteri yang pada masa itu bertanggungjawab bagi perkara-perkara berhubung dengan Lembaga;

"Pengerusi" ertinya Pengerusi Lembaga;

"Pengurus Besar" ertinya Pengurus Besar yang dilantik di bawah seksyen 20 Enakmen dan termasuklah mana-mana orang yang pada masa itu dilantik sedemikian untuk melaksanakan kewajipan-kewajipan Pengurus Besar;

"Timbalan Pengerusi" ertinya Timbalan Pengerusi Lembaga.

BAHAGIAN II

PENUBUHAN DAN KEANGGOTAAN LEMBAGA

Penubuhan
Lembaga.

3. (1) Daripada mula berkuatkuasanya Enakmen ini maka hendaklah ditubuhkan "Lembaga Kemajuan Perhutanan Negeri Sabah" yang adalah suatu pertubuhan perbadanan yang kekal turun-temurun yang boleh mendakwa dan didakwa atas nama perbadanannya dan mempunyai kuasa untuk membeli atau dengan cara lain memperolehi, memegang, dan menukar atau memberimilik atau dengan cara lain menguruskan dengan apa-apa jua cara yang sah di sisi undang-undang, apa-apa harta alih dan tak alih, dan untuk membuat kontrak dan amnya untuk melakukan apa-apa jua tindakan dan perkara yang suatu pertubuhan perbadanan boleh melakukan di sisi undang-undang dan yang perlu bagi, atau bersampingan dengan, pelaksanaan matlamat-matlamatnya dan perjalanan kuasa-kuasanya yang dinyatakan dalam Enakmen ini.

(2) Lembaga hendaklah mempunyai suatu meteri yang hendaklah mengandungi apa-apa devais yang diluluskan oleh Lembaga dan meteri itu boleh dari semasa ke semasa dipecahkan, ditukar, diubah dan dibuat baru oleh Lembaga sebagaimana yang difikirkan patut oleh Lembaga.

(3) Sehingga suatu meteri diperuntukkan di bawah subseksyen (2), suatu cap yang mengandungi teraan "Lembaga Kemajuan Perhutanan Negeri Sabah" boleh digunakan sebagai meteri Lembaga.

Keanggotaan
Lembaga.

4. (1) Lembaga hendaklah terdiri daripada ahli-ahli berikut:
- (a) seorang Pengerusi;
 - (b) seorang Timbalan Pengerusi;
 - (c) tiga orang ahli *ex-officio*, yang hendaklah orang-orang yang pada masa itu memegang jawatan-jawatan Setiausaha Hasil Bumi, Setiausaha Tetap Kementerian

LEMBAGA KEMAJUAN
PERHUTANAN NEGERI SABAH

7

yang bertanggungjawab bagi perkara-perkara berhubung dengan Lembaga dan Pengarah Perhutanan;

(d) empat orang ahli lain;

(e) orang yang pada masa itu memegang jawatan Pengurus Besar;

Dengan syarat bahawa Pengurus Besar tidak berhak mengundi di mesyuarat Lembaga.

(2) Ahli-ahli yang dinyatakan dalam perenggan-perenggan (a), (b) dan (d) subseksyen (1) hendaklah dilantik oleh Yang di-Pertua Negeri.

(3) Seorang ahli *ex-officio* boleh, melalui suratcara bertulis yang dialamatkan kepada Pengerusi, melantik seorang pegawai lain dalam perkhidmatan awam Negeri sebagai ahli silih ganti yang boleh hadir bagi pihaknya di sesuatu mesyuarat Lembaga yang ahli itu tidak dapat hadir kerana sesuatu sebab dan ahli silih ganti itu hendaklah, apabila menghadiri mesyuarat itu, disifatkan sebagai ahli Lembaga bagi segala maksud.

(4) Tertakluk kepada peruntukan-peruntukan seksyen 7 Enakmen ini, seorang ahli, selain daripada ahli *ex-officio* dan Pengurus Besar, hendaklah memegang jawatan bagi suatu tempoh selama tiga tahun dari tarikh perlantikannya, dan adalah layak dilantik semula.

5. (1) Seorang ahli, selain daripada ahli *ex-officio* dan Pengurus Besar, boleh pada bila-bila masa meletakkan jawatannya dengan memberi notis bertulis kepada Pengerusi.

Perletakan
jawatan
dan
pembatalan

(2) Perlantikan seseorang ahli boleh pada bila-bila masa dibatalkan oleh Yang di-Pertua Negeri jika difikirkannya mustahak berbuat demikian.

6. Orang-orang yang berikut hendaklah hilang kelayakan mereka untuk dilantik atau, jika telah dilantik, untuk terus menjadi ahli—

Hilang
kelayakan
menjadi
ahli

(a) seseorang yang tidak sempurna akal atau selainnya tidak berupaya melaksanakan kewajipan-kewajipannya atau menguruskan hal-hwalnya;

(b) seseorang yang dilarang daripada menjadi pengarah suatu syarikat di bawah peruntukan-peruntukan mana-mana undang-undang bertulis berhubung dengan syarikat-syarikat;

(c) seseorang yang telah disabitkan atas sesuatu kesalahan yang melibatkan fraud, ketidakjujuran atau buruk akhlak, dan

(d) seseorang bankrap.

Pengosongan
jawatan

7. Jawatan seseorang ahli, selain daripada ahli *ex-officio* dan Pengurus Besar, adalah menjadi kosong—

(a) apabila ia mati;

(b) jika ia tidak hadir di tiga mesyuarat Lembaga berturut-turut tanpa kebenaran khas dari Pengerusi atau kebenaran tidak hadir yang diberi di bawah Enakmen ini dan Lembaga meluluskan suatu ketetapan mengisytiharkan jawatannya menjadi kosong;

(c) jika ia meletakkan jawatannya;

(d) jika ia hilang kelayakan dari menjadi ahli di bawah seksyen 6 Enakmen ini;

(e) jika perlantikannya dibatalkan oleh Yang di-Pertua Negeri.

Kebenaran
tidak hadir

8. Menteri boleh memberi kepada mana-mana ahli sesuatu kebenaran tidak hadir sebagaimana yang disifatkan patut oleh Menteri.

Kekosongan
luas jangka
dan keahlian
sementani

9. (1) Jika jawatan seseorang ahli, selain daripada ahli *ex-officio* dan Pengurus Besar, menjadi kosong, Yang di-Pertua Negeri boleh melantik seorang lain yang berkelayakan sempurna untuk mengisi kekosongan itu hanya bagi selama tempoh yang ahli yang ia telah dilantik menggantikannya sepatutnya memegang jawatan.

(2) Jika seseorang ahli, selain daripada ahli *ex-officio* dan Pengurus Besar, tidak dapat melaksanakan kewajipan-kewajipannya sebagai seorang ahli oleh sebab sakit, berada di luar Negeri atau sebab-sebab lain seumpamanya, Yang di-Pertua Negeri boleh melantik mana-mana orang yang berkelayakan sempurna untuk bertindak sebagai tumbalan bagi ahli itu semasa tempoh ia tidak dapat melaksanakan kewajipan-kewajipannya.

Saraan ahli
ahli
Lembaga

10. Maka hendaklah dibayar kepada ahli-ahli, atau kepada mana-mana daripada mereka sebagaimana yang ditentukan oleh Menteri, apa-apa gaji, bayaran dan elaun daripada wang Lembaga sebagaimana yang diluluskan oleh Menteri dari semasa ke semasa.

LEMBAGA KEMAJUAN
PERHUTANAN NEGERI SABAH

9

BAHAGIAN III
ACARA LEMBAGA

11. (1) Lembaga hendaklah bermesyuarat seberapa kerap yang perlu atau mustahak bagi perjalanan urusannya dan mesyuarat-mesyuarat itu hendaklah diadakan di mana-mana tempat dan pada sesuatu masa yang ditentukan oleh Pengerusi.

Mesyuarat

Dengan syarat bahawa Pengerusi tidak boleh membenarkan lebih daripada tiga bulan berlalu di antara mesyuarat-mesyuarat itu.

(2) Jika tidak kurang daripada tiga orang ahli, dengan notis bertulis yang ditandatangani oleh mereka dan dialamatkan kepada Pengerusi, meminta bahawa suatu mesyuarat Lembaga diadakan bagi sesuatu maksud yang dinyatakan dalam notis itu Pengerusi hendaklah, dalam masa tujuh hari selepas ia menerima notis itu memanggil suatu mesyuarat dengan sewajarnya.

12. (1) Kuorum yang perlu bagi perjalanan urusan Lembaga adalah lima.

Acara mesyuarat

(2) Jika Pengerusi tidak hadir di sesuatu mesyuarat Lembaga, Timbalan Pengerusi hendaklah mengetuai mesyuarat itu dan, jika Pengerusi dan Timbalan Pengerusi kedua-duanya tidak hadir, maka ahli-ahli yang hadir hendaklah memilih seorang dari kalangan mereka untuk mengetuainya.

(3) Persoalan yang timbul di sesuatu mesyuarat Lembaga hendaklah diputuskan dengan cara undi terbanyak ahli-ahli yang hadir dan mengundi mengenainya dan jika terdapat undi sama banyak maka Pengerusi atau orang lain yang mengetuai mesyuarat itu hendaklah mempunyai undi kedua atau undi pemutus.

(4) Tertakluk kepada peruntukan-peruntukan Bahagian ini, Lembaga hendaklah mempunyai kuasa untuk membuat perintah tetap bagi mengatur acaranya sendiri.

13. (1) Mana-mana ahli yang mempunyai atau memperoleh, secara langsung atau tak langsung dengan sendirinya, melalui pekongsi atau ejennya—

Ahli-ahli berkepentingan tidak boleh mengundi.

(a) apa-apa syer atau kepentingan di dalam mana-mana kontrak yang dibuat dengan Lembaga atau dalam apa-apa kerja yang dilakukan untuk Lembaga atau di dalam mana-mana syarikat atau dengan mana-mana orang atau berkenaan dengan mana-mana pengusahaan yang dengannya Lembaga bercadang hendak membuat kontrak; atau

- (b) apa-apa kepentingan yang berfaedah mengenai tanah yang dicadang hendak diambil, dibeli, dipajak atau secara lain diuruskan oleh Lembaga atau yang diketahui oleh ahli itu akan tersentuh atau mungkin akan tersentuh oleh apa-apa projek, skim atau enterpris yang diluluskan atau dicadang untuk diluluskan oleh Lembaga,

hendaklah, sebelum mengambil bahagian dalam sesuatu acara mesyuarat Lembaga, yang berhubung dengan atau menyentuh secara langsung atau tak langsung, mana-mana kontrak atau tanah itu, memaklumkan orang yang mengetuai mesyuarat itu mengenai sifat dan banyaknya syer atau kepentingan itu, dan maklumat itu hendaklah direkodkan dalam minit mesyuarat itu, dan ahli itu tidak boleh mengundi mengenai apa-apa ketetapan atau persoalan yang berhubung dengannya, atau perkara-perkara yang bersampingan dengannya dan jika orang yang mengetuai mesyuarat itu memintanya, ahli itu hendaklah menarik diri dari mesyuarat itu semasa pertimbangan atau keputusan itu:

Dengan syarat bahawa tiada seseorang ahli boleh disifatkan sebagai mempunyai atau memperolehi apa-apa syer atau kepentingan dalam sesuatu kontrak dengan Lembaga hanya oleh sebab ia mempunyai atau memperolehi suatu syer-dalam sesuatu pinjaman yang dikeluarkan oleh Lembaga atau dalam mana-mana sekuriti baginya:

Dengan syarat selanjutnya bahawa bagi maksud menentukan cukup kuorum seseorang ahli yang hadir di mesyuarat itu hendaklah dianggap hadir walaupun ia tidak boleh mengundi atau telah menarik diri di bawah peruntukan-peruntukan seksyen ini.

(2) Mana-mana orang yang melanggar atau tidak mematuhi peruntukan-peruntukan subseksyen (1) seksyen ini adalah bersalah atas suatu kesalahan dan apabila disabitkan boleh dikenakan denda seribu ringgit dan penjara selama enam bulan.

Kuasa
melantik
jawatankuasa

14. (1) Tertakluk kepada peruntukan-peruntukan Enakmen ini, Lembaga boleh, bagi apa-apa maksud am atau khas, melantik jawatankuasa-jawatankuasa yang difikirkannya diperlukan.

(2) Sesuatu jawatankuasa boleh melakukan semua perkara yang perlu bagi perjalanan yang berkesan fungsi-fungsinya tetapi adalah tertakluk kepada arahan-arahan am Lembaga.

(3) Sesuatu jawatankuasa hendaklah terdiri daripada seorang Pengerusi dan tidak lebih daripada lima orang yang lain.

LEMBAGA KEMAJUAN
PERHUTANAN NEGERI SABAH

(4) Sesuatu jawatankuasa boleh terdiri daripada orang-orang yang bukan ahli Lembaga.

(5) Ahli-ahli jawatankuasa boleh dibayar apa-apa saraan atau elaun sebagaimana yang ditentukan oleh Lembaga dengan kelulusan Menteri.

15. (1) Jika Pengerusi sesuatu jawatankuasa tidak hadir di sesuatu mesyuarat jawatankuasa itu, mana-mana ahli lain jawatankuasa itu sebagaimana yang dipilih oleh ahli-ahli yang hadir hendaklah mengetuai mesyuarat itu. Mesyuarat jawatankuasa

(2) Kuorum bagi mesyuarat suatu jawatankuasa adalah tiga.

(3) Sesuatu persoalan yang hendak ditentukan di sesuatu mesyuarat suatu jawatankuasa hendaklah diputuskan dengan cara undi terbanyak daripada ahli-ahli yang hadir dan mengundi di atasnya, dan jika terdapat undi sama banyak maka orang yang mengetuai mesyuarat itu hendaklah mempunyai undi kedua atau undi pemutus.

(4) Sesuatu jawatankuasa boleh menjemput ke sesuatu mesyuaratnya mana-mana orang yang pada pendapatnya boleh menyumbang dalam pertimbangan-pertimbangannya tetapi orang itu tidak boleh mempunyai hak mengundi di mesyuarat itu.

(5) Tertakluk kepada seksyen ini dan arahan-arahan dari Lembaga, sesuatu jawatankuasa hendaklah mengatur acaranya sendiri.

16. (1) Lembaga boleh mewakilkan kepada mana-mana jawatankuasa, ahli, pegawai atau penjawat Lembaga, mana-mana daripada fungsi-fungsinya, sebagaimana yang disifatkannya perlu atau dikehendaki. Perwakilan kuasa

(2) Sesuatu fungsi yang diwakilkan di bawah seksyen ini—

(a) boleh diwakilkan sedemikian tertakluk kepada apa-apa syarat atau sekatan sebagaimana yang dikenakan secara am atau khas oleh Lembaga;

(b) hendaklah dijalankan oleh jawatankuasa, ahli, pegawai atau penjawat yang berkenaan atas nama dan bagi pihak Lembaga.

(3) Tiada sesuatu perwakilan yang dibuat di bawah seksyen ini boleh menghalang Lembaga sendiri daripada menjalankan atau melaksanakan pada bila-bila masa mana-mana daripada fungsi-fungsi yang diwakilkan sedemikian.

Kuasa
Pengerusi
untuk
mewakikan

17. (1) Tertakluk kepada peruntukan-peruntukan Enakmen ini dan mana-mana peraturan yang dibuat di bawahnya, Pengerusi boleh mewakikan secara bertulis kepada mana-mana ahli, pegawai atau penjawat Lembaga kuasa bagi menjalankan bagi pihaknya apa-apa kewajipan, kuasa atau fungsi sebagaimana yang ditentukannya.

(2) Pengerusi boleh pada waktu mewakikan mana-mana kuasa di bawah subseksyen (1) kepada mana-mana ahli, pegawai atau penjawat, atau pada bila-bila masa selepas itu memberi arahan-arahan mengenai cara bagaimana kuasa yang diwakikan itu hendak dijalankan dan boleh pada bila-bila masa membatalkan, mengubahsuai atau menambah perwakilan itu.

Penyempurnaan
dokumen,
dll

18. (1) Meteri Lembaga hendaklah disimpan oleh Pengerusi dan tidak boleh digunakan kecuali di hadapan Pengerusi atau Timbalan Pengerusi dan seorang ahli dan penggunaan itu hendaklah disahkan dengan tandatangan-tandatangan orang-orang itu dan pengesahan itu adalah bukti yang cukup bahawa meteri itu telah digunakan dengan sepatutnya dan bahawa ia adalah meteri Lembaga yang sah di sisi undang-undang.

(2) Semua dokumen, selain daripada yang dikehendaki oleh undang-undang untuk dimeteri, yang Lembaga adalah suatu pihak baginya, boleh ditandatangani bagi pihak Lembaga oleh Pengerusi atau mana-mana ahli atau oleh mana-mana pegawai atau penjawat yang diberikuasa secara am atau khas bagi maksud itu oleh Lembaga.

Kekosongan
tidak boleh
membatalkan
tindakan,
dll

19. (1) Tiada sesuatu tindakan atau prosiding Lembaga atau mana-mana jawatankuasanya boleh dipersoalkan oleh sebab sesuatu kekosongan di kalangan ahli-ahli atau oleh sebab perlantikan seseorang ahli tidak sempurna.

(2) Sehingga dibuktikan sebaliknya tiap-tiap mesyuarat Lembaga atau mana-mana jawatankuasanya hendaklah disifatkan sebagai telah dipanggil dan diadakan dengan sempurna dan semua ahli yang hadir di mesyuarat itu hendaklah disifatkan sebagai berkelayakan dengan sempurna.

(3) Suatu pernyataan dalam sesuatu dokumen yang menyatakan bahawa sesuatu fungsi telah diwakikan di bawah Bahagian ini hendaklah, melainkan jika dibuktikan sebaliknya, menjadi bukti bahawa perwakilan itu telah dibuat dengan sah.

LEMBAGA KEMAJUAN
PERHUTANAN NEGERI SABAH

BAHAGIAN IV
PENTADBIRAN

20. (1) Tertakluk kepada seksyen 21, Lembaga hendaklah melantik seorang Pengurus Besar, dengan kelulusan Menteri, dan pegawai-pegawai dan penjawat-penjawat sebagaimana yang perlu bagi perjalanan fungsi-fungsi dan kewajipan-kewajipannya di bawah Enakmen ini.

Pelantikan
Pengurus
Besar,
pegawai dan
penjawat

(2) Jika Pengurus Besar tidak berupaya melaksanakan kewajipan-kewajipannya sebagai demikian oleh sebab sakit, berada di luar Negeri, atau sebab lain seumpamanya, atau jika jawatan Pengurus Besar kosong, Lembaga boleh melantik seorang daripada pegawai-pegawainya untuk melaksanakan kewajipan-kewajipan Pengurus Besar semasa tempoh Pengurus Besar tidak dapat melaksanakan kewajipan-kewajipannya atau jika jawatan tersebut kosong.

(3) Tertakluk kepada kelulusan Kerajaan, Pengurus Besar dan pegawai-pegawai dan penjawat-penjawat lain Lembaga hendaklah diambil kerja atas apa-apa terma dan syarat sebagaimana yang difikirkan patut oleh Lembaga.

21. Lembaga tidak boleh membuat apa-apa tambahan kepada jawatan-jawatannya yang telah ditubuhkan, tanpa kelulusan Kerajaan.

Sekatan atas
perubahan
kepada
perjawatan.

22. (1) Pengurus Besar hendaklah menjadi ketua pegawai eksekutif yang bertanggungjawab kepada Lembaga dan hendaklah melaksanakan apa-apa kewajipan dan menjalankan apa-apa kuasa sebagaimana yang ditentukan atau diwakilkan oleh Lembaga.

Pengurus
Besar
sebagai
ketua
pegawai
eksekutif.

(2) Tertakluk kepada arahan-arahan dan kawalan Lembaga, semua pegawai dan penjawat Lembaga hendaklah terletak di bawah kawalan pentadbiran Pengurus Besar.

23. (1) Tiada seseorangpun layak diambil kerja sebagai pegawai atau penjawat Lembaga yang mempunyai, secara langsung atau tak langsung, dengan sendirinya atau melalui pekongsinya, apa-apa syer atau kepentingan dalam sesuatu kontrak dengan, bagi atau bagi pihak Lembaga.

Pegawai atau
penjawat
tidak boleh
berkepentingan
dalam
kontrak

(2) Mana-mana pegawai atau penjawat Lembaga yang mempunyai atau memperoleh apa-apa syer atau kepentingan itu adalah boleh menurut budi bicara Lembaga dipecat terus tanpa notis.

(3) Tiada seseorang pegawai atau penjawat boleh disifatkan sebagai mempunyai atau memperolehinya apa-apa syer atau kepentingan itu hanya oleh sebab bahawa—

- (a) ia adalah atau menjadi ahli suatu syarikat yang diperbadankan yang memiliki tanah yang terletak di Sabah atau mempunyai kontrak dengan atau menjalankan kerja bagi Lembaga; atau
- (b) ia mempunyai atau memperolehinya suatu syer dalam mana-mana pinjaman, yang dikeluarkan oleh Lembaga atau dalam mana-mana sekuriti bagi pinjaman itu.

BAHAGIAN V FUNGSI-FUNGSI LEMBAGA

Fungsi-
fungsi
Lembaga

24. Fungsi-fungsi Lembaga ialah—

(1) untuk menggalak, memaju, merangsang, memperbaiki, menyelaraskan, mengatur dan mengawal keluaran hutan dan aktiviti-aktiviti keluaran hutan termasuk penggunaan keluaran hutan secara berkesan dan cekap; pembaikan cara-cara mengusahakan keluaran hutan; penanaman, penyenggaraan dan penuaian tanaman hutan; menggred dan mengawal mutu; cara-cara pengendalian, perniagaan dan pemasaran;

(2) berkenaan dengan hutan, keluaran hutan dan aktiviti-aktiviti keluaran hutan—

- (a) untuk memungut, mengkaji, menganalisa dan menyebarkan maklumat;
- (b) sebagaimana yang diperlukan untuk membuat perkiraan bagi dan jika boleh mengadakan perkhidmatan nasihat teknik, kemudahan dan agensi pemasaran, program latihan;
- (c) untuk membuat syor kepada Kerajaan mengenai cara, langkah dan dasar dan melaksanakan atau membantu dalam pelaksanaan apa-apa dasar atau cara yang diluluskan oleh Kerajaan jika dikehendaki;
- (d) untuk mengutip, menerima atau mengenakan apa-apa duit, ses atau caj-caj lain yang disifatkan munasabah oleh Menteri bagi membiayai kos-kos Lembaga dan perjalanan matlamat-matlamat dan fungsi-fungsinya;

(3) untuk menjalankan atau menyelia pembangunan kawasan-kawasan yang sesuai dari mana balak telah dikeluarkan dan kawasan-

LEMBAGA KEMAJUAN
PERHUTANAN NEGERI SABAH

15

kawasan lain yang sesuai termasuk urusan penanaman atau penanaman semula;

(4) untuk menggalak, memaju, menyelia dan mengusahakan penghutan dan penanaman semula hutan untuk menambah pengeluaran balak daripada hutan semulajadi;

(5) untuk menjalankan pembangunan skim penempatan berasaskan hutan melalui pelaksanaan penghutan dan penanaman semula hutan untuk meningkatkan standard sosio-ekonomi penduduk luar bandar.

25. Lembaga hendaklah mempunyai kuasa untuk melakukan segala perkara yang munasabah perlu bagi atau mustahak untuk atau bersampingan dengan pelaksanaan fungsi-fungsinya dan terutamanya, tetapi tanpa menyentuh keluasan makna seksyen ini—

Kuasa-kuasa
dan
Lembaga

(a) untuk membenarkan sesuatu jabatan Kerajaan Persekutuan atau Negeri atau seseorang atau pertubuhan untuk mengambil bekerja seseorang ejen untuk menjalankan sesuatu kerja atau melaksanakan sesuatu tindakan pada melaksanakan tujuan dan fungsi Lembaga yang Lembaga berkuasa untuk melaksanakannya dan yang diluluskan oleh Lembaga;

(b) untuk melantik penasihat-penasihat teknik sebagaimana yang difikirkannya perlu dan untuk membenarkan penasihat-penasihat itu hadir di sesuatu mesyuarat Lembaga;

Dengan syarat bahawa penasihat-penasihat itu tidak boleh mengundi di mesyuarat itu;

(c) untuk menjalankan urusan-urusan keluaran hutan termasuk pedagang balak, kontraktor, pengangkut penumpang atau barang-barang melalui darat atau laut, peniaga keluaran hutan termasuk keluaran balak atau kayu dan untuk menjalankan apa-apa jua urusan lain yang pada pendapat Lembaga, adalah perlu bagi maksud-maksud Lembaga;

(d) untuk melakukan apa-apa jua bagi maksud—

(i) meningkatkan kemahiran pekerja-pekerja Lembaga;

(ii) meningkatkan kecekapan kelengkapan Lembaga dan cara kelengkapan itu dikendalikan;

- (iii) peruntukan kemudahan latihan, pelajaran dan penyelidikan oleh Lembaga dan bantuan dalam peruntukan itu oleh pihak lain;
- (e) mengadakan rumah, asrama dan penginapan seumpamanya termasuk rumah pemulihan atau rumah percutian, kelab dan padang permainan bagi pekerja-pekerja Lembaga;
- (f) untuk memberi dan menggerenti pinjaman kepada pekerja-pekerja Lembaga bagi maksud-maksud sebagaimana yang diluluskan oleh Lembaga;
- (g) untuk memajukan pada amnya kebajikan pekerja-pekerja Lembaga;
- (h) untuk mengadakan cara-cara untuk memudahkan cara-cara yang diperbaiki bagi memproses dan memasar keluaran hutan termasuk balak;
- (i) untuk mengadakan kajian dan penyiasatan berkenaan dengan perkara-perkara yang berkaitan dengan fungsi-fungsinya;
- (j) untuk menetapkan skim bagi memproses dan memasar keluaran hutan termasuk balak oleh sesebuah badan awam atau persendirian atau orang dan untuk memberi bantuan kepada mana-mana badan atau orang itu, termasuk bantuan kewangan dengan cara pemberian, pinjaman atau selainya;
- (k) untuk menubuhkan syarikat sama ada dipunyai keseluruhannya atau sebagai usahasama dan untuk melakukan penyertaan equiti dalam semua aktiviti yang berkaitan dengan fungsi-fungsinya dengan badan awam atau persendirian atau orang;
- (l) untuk menerima, sebagai balasan bagi perkhidmatan yang diberikannya, komisen atau bayaran sebagaimana yang dipersetujui;
- (m) untuk menjalankan apa-apa aktiviti lain yang pada pendapat Lembaga perlu, berfaedah atau mudah bagi atau berkaitan dengan pelaksanaan fungsi-fungsinya.

BAHAGIAN VI

PERUNTUKAN KEWANGAN

Kumpulan
Wang
Lembaga

26. (1) Maka hendaklah ditubuhkan suatu Kumpulan Wang yang akan dinamakan "Kumpulan Wang Lembaga Kemajuan Perhutanan Negeri Sabah" yang hendaklah terdiri daripada-

LEMBAGA KEMAJUAN
PERHUTANAN NEGERI SABAH

- (a) apa-apa jumlah wang yang dari semasa ke semasa diperuntukkan oleh Dewan Undangan daripada hasil am Negeri Sabah, atau yang didermakan oleh Kerajaan Negeri Sabah atau Kerajaan Malaysia atau mana-mana Negeri di dalamnya atau oleh mana-mana institusi atau orang lain bagi maksud-maksud Lembaga;
 - (b) apa-apa jumlah wang yang dari semasa ke semasa didapatkan oleh Lembaga secara pinjaman;
 - (c) semua wang sewa dan hasil untung jualan dan pendapatan dan jumlah wang lain yang didapati oleh Lembaga secara langsung atau tak langsung dari harta kepunyaan Lembaga;
 - (d) semua jumlah wang lain yang dari semasa ke semasa dibayar kepada Lembaga.
- (2) Kumpulan Wang itu boleh digunakan bagi membiayai caj-
caj berikut-
- (a) perbelanjaan dan elaun ahli-ahli;
 - (b) gaji, bayaran atau saraan pegawai-pegawai, ejen-ejen dan penjawat-penjawat dan penasihat-penasihat teknik dan penasihat-penasihat lain Lembaga;
 - (c) semua kos, caj dan perbelanjaan bagi dan bersampingan dengan perjalanan kuasa-kuasa Lembaga di bawah Enakmen ini;
 - (d) bunga atas apa-apa pinjaman yang didapatkan oleh Lembaga;
 - (e) jumlah wang yang diperlukan bagi membayar balik wang yang dipinjam;
 - (f) apa-apa jumlah wang yang disifatkannya patut untuk diketepikan berkenaan dengan kesusutan harta Lembaga;
 - (g) apa-apa bayaran arkitek, pengurusan dan agensi;
 - (h) pemberian atau pinjaman yang dibenarkan oleh Lembaga kepada Kerajaan Negeri atau kepada apa-apa projek pembangunan yang tertentu yang dijalankan oleh Kerajaan Negeri;
 - (i) apa-apa perbelanjaan lain yang dibenarkan oleh Lembaga dan yang kena dipertanggungkan dengan sepatutnya atas akaun hasil.
- (3) Baki hasil dan pendapatan Lembaga hendaklah dipakai bagi

mewujudkan suatu rizab am atau apa-apa rizab lain atau kumpulan wang modal sebagaimana yang disifatkan patut oleh Lembaga.

Pelaburan
wang

27. Lembaga boleh, dari semasa ke semasa, melaburkan mana-mana daripada wangnya, yang tidak diperlukan serta-merta untuk dibelanjakan pada membiayai kewajipan-kewajipan atau pada menjalankan fungsi-fungsi Lembaga, dalam sekuriti-sekuriti yang dibenarkan bagi pelaburan wang amanah oleh mana-mana undang-undang bertulis yang berkuatkuasa pada masa itu, dan boleh mendepositkannya dalam mana-mana bank atau bank-bank yang berlesen di bawah peruntukan-peruntukan Akta Bank dan Institusi-Institusi Kewangan 1989*, atau, dalam sesuatu pengusahaan sebagaimana yang diluluskan oleh Menteri Kewangan.

Akta 372

Kuasa-kuasa
meminjam

28. Lembaga boleh, dari semasa ke semasa, dengan kelulusan Menteri Kewangan, meminjam wang dengan mengeluarkan stok debentur atau dengan cara lain sebagaimana yang diarahkan oleh Menteri Kewangan bagi maksud-maksud Enakmen ini.

(2) Lembaga boleh, dari semasa ke semasa, bagi maksud Enakmen ini, mendapatkan pinjaman dari Kerajaan, atau dengan izin Menteri Kewangan, meminjam dengan cara pinjaman sementara atau overdraf dari suatu bank yang berlesen di bawah peruntukan-peruntukan Akta Bank dan Institusi-Institusi Kewangan 1989* atau dengan cara lain.

Akta 372

Pinjaman
boleh
dijamin
dengan
gadai-janji

29. Lembaga boleh menjamin bayaran balik apa-apa jumlah wang yang dipinjam, dengan menggadai-janji atau menggadai, secara undang-undang atau mengikut ekuiti, mana-mana daripada harta yang terletak pada Lembaga, atau apa-apa hasil yang boleh diterima oleh Lembaga di bawah Enakmen ini atau mana-mana undang-undang bertulis yang lain.

Kuasa
memberi
pinjaman

30. (1) Tertakluk kepada apa-apa syarat sebagaimana yang disifatkan patut oleh Menteri dikenakan dalam hal-hal tertentu, Lembaga boleh, daripada Kumpulan Wang memberi pinjaman mengikut peruntukan-peruntukan Enakmen ini bagi maksud itu, pada melaksanakan kewajipan-kewajipannya atau pada menjalankan fungsi-fungsinya di bawah seksyen 24.

(2) Pada memberi pinjaman di bawah peruntukan-peruntukan subseksyen (1) Lembaga boleh mengenakan apa-apa kadar bunga yang disifatkannya patut dalam sesuatu hal tertentu.

* Akta Bank dan Institusi-Institusi Kewangan 1989* telah menggantikan "Akta Bank 1973" menurut kuasa Akta 372.

LEMBAGA KEMAJUAN
PERHUTANAN NEGERI SABAH

19

(3) Tiap-tiap pinjaman hendaklah dibayar balik kepada Lembaga mengikut terma-terma dan syarat-syarat pinjaman itu diberi dan wang yang dibayar sedemikian hendaklah selepas itu dimasukkan ke dalam akaun Lembaga.

(4) Tiap-tiap gadai-janji bagi menjamin pinjaman dan tiap-tiap suratcara atau gadai di bawah peruntukan-peruntukan Enakmen ini hendaklah diluluskan oleh Lembaga, dan semua kos, caj dan perbelanjaan yang dibuat berkaitan dengannya hendaklah dibayar oleh orang yang diberikan pinjaman itu.

31. Lembaga boleh, dengan kelulusan bertulis dari Yang di-Pertua Negeri, menggerenti sesuatu pinjaman yang diberi oleh mana-mana bank atau institusi kewangan kepada mana-mana pemohon yang diluluskan oleh Lembaga bagi sesuatu maksud yang Lembaga sendiri mungkin akan memberi pinjaman itu.

Kuasa
menggerenti
pinjaman

32. (1) Lembaga hendaklah sebelum bermula tiap-tiap satu tahun kewangan menyebabkan disediakan dan hendaklah menerima anggaran tahunan pendapatan dan perbelanjaan Lembaga bagi tahun yang berikutnya.

Anggaran
tahunan

(2) Anggaran tambahan boleh diterima oleh Lembaga di mana-mana mesyuaratnya.

(3) Suatu salinan semua anggaran tahunan dan anggaran tambahan hendaklah, setelah diterima oleh Lembaga dihantar dengan segera kepada Menteri untuk kelulusannya.

(4) Tiada sesuatu perbelanjaan yang tidak dimasukkan dalam anggaran tahunan atau anggaran tambahan yang diterima oleh Lembaga dan diluluskan oleh Menteri boleh dibuat oleh Lembaga.

33. (1) Lembaga hendaklah menyebabkan—

Akaun

- (a) akaun yang sepatutnya dan rekod-rekod lain yang berhubung dengannya disimpan; dan
- (b) disediakan suatu penyata akaun tahunan.

(2) Penyata akaun tahunan Lembaga hendaklah menunjukkan suatu pandangan yang betul dan wajar mengenai kedudukan kewangan Lembaga, dan mengenai hasil kerja-kerja Lembaga bagi tahun yang berkaitan dengan penyata itu.

(3) Tahun kewangan Lembaga adalah tempoh yang bermula dari 1 Januari dan berakhir pada 31 Disember pada tiap-tiap satu tahun.

Audit dan
penyata
akaun

34. (1) Akaun-akaun Lembaga hendaklah diaudit oleh Ketua Audit Negara.

(2) Lembaga hendaklah, tidak lewat daripada 31 Julai tiap-tiap satu tahun, menghantar akaun-akaun Lembaga bagi tahun kewangan yang terdahulu kepada Ketua Audit Negara bagi maksud diaudit.

(3) Lembaga hendaklah, apabila dikehendaki oleh Ketua Audit Negara, mengemukakan dan memperlihatkan kepadanya semua buku dan akaun Kumpulan Wang yang berkenaan, bersama dengan semua baucar yang menyokongnya, dan yang berhubung dengannya, dan Ketua Audit Negara adalah berhak menghendaki daripada Lembaga, atau mana-mana ahli, pegawai, penjawat, atau ejen Lembaga apa-apa maklumat dan penjelasan yang disifatkannya perlu bagi pelaksanaan kewajipan-kewajipannya sebagai seorang juruaudit.

(4) Setelah berakhir tiap-tiap satu tahun kewangan, sebaik sahaja akaun-akaun Lembaga diaudit, Lembaga hendaklah menyebabkan suatu salinan penyata akaun itu, bersama dengan suatu salinan apa-apa laporan yang dibuat oleh Ketua Audit Negara atas pernyataan atau atas akaun-akaun Lembaga, dihantar kepada Menteri yang hendaklah membentangkannya di Dewan Undangan dan menyebabkan suatu salinannya disiarkan dalam *Warta*.

Laporan
tahunan

35. Lembaga hendaklah, seberapa segera setelah berakhir tiap-tiap satu tahun kewangan, menyebabkan dibuat dan dihantar kepada Menteri suatu laporan yang berurusan amnya dengan kegiatan-kegiatan Lembaga dalam tahun itu, dan Menteri hendaklah menyebabkan suatu salinan laporan itu dibentangkan di Dewan Undangan.

Akaun
bank.

36. (1) Semua wang yang dibayar kepada Lembaga hendaklah dibayar ke dalam suatu akaun dalam mana-mana bank atau bank-bank yang berlesen di bawah peruntukan-peruntukan Akta Bank dan Institusi-institusi Kewangan 1989* sebagaimana yang diluluskan oleh Lembaga.

(2) Semua perintah terhadap akaun tersebut hendaklah ditandatangani oleh Pengurus Besar dan ditandatangani balas oleh seorang pegawai lain Lembaga yang diberikuasa secara bertulis bagi maksud itu oleh Lembaga.

Bila
tender
dipanggil

37. Tender-tender bagi pelaksanaan apa-apa kerja atau kewajipan, atau bagi pembekalan apa-apa bahan atau apa-apa

*Lihat nota kaki di muka surat 18 supra.

LEMBAGA KEMAJUAN
PERHUTANAN NEGERI SABAH

21

benda lain yang perlu bagi maksud-maksud Lembaga yang melibatkan perbelanjaan Lembaga, hendaklah dipanggil bagi sesuatu hal dan mengikut apa-apa cara yang diarahkan oleh Kerajaan secara am atau dalam sesuatu hal tertentu.

BAHAGIAN VII

AM

38. (1) Menteri boleh memberi kepada Lembaga arahan-arahan yang bersifat am, yang tidak berlawanan dengan peruntukan-peruntukan Enakmen ini, mengenai perjalanan dan pelaksanaan oleh Lembaga fungsi-fungsinya dan Lembaga hendaklah menguatkuasakan arahan-arahan yang diberi sedemikian.

Kuasa
Menteri
memberi
arahan

(2) Lembaga hendaklah memberi kepada Menteri apa-apa maklumat berkenaan dengan harta dan kegiatan-kegiatannya sebagaimana yang dikehendaki oleh Menteri dari semasa ke semasa.

39. (1) Jika sesuatu harta tak alih, yang bukan tanah Kerajaan, dikehendaki bagi maksud-maksud Lembaga dan tidak dapat diperolehi melalui perjanjian, Lembaga boleh meminta dan Yang di-Pertua Negeri boleh, jika difikirkannya patut, mengarahkan pengambilan harta itu, dan dalam hal itu, harta itu boleh diperolehi mengikut peruntukan-peruntukan mana-mana undang-undang bertulis berhubung dengan pengambilan tanah bagi maksud awam dan sesuatu perisytiharan yang dikehendaki di bawah undang-undang itu yang menyatakan bahawa tanah itu diperlukan sedemikian boleh dibuat walaupun pampasan akan dibayar daripada wang Lembaga, dan perisytiharan itu hendaklah berkuatkuasa seolah-olah ia adalah suatu perisytiharan yang menyatakan bahawa tanah itu diperlukan bagi suatu maksud awam yang dibuat mengikut undang-undang bertulis itu.

Pengambilan
tanah
dengan
paksa

(2) Apabila mana-mana tanah diambil dengan paksa oleh Kerajaan atas permintaan dan bagi maksud-maksud Lembaga di bawah peruntukan-peruntukan mana-mana undang-undang bertulis yang berkuatkuasa pada masa itu berhubung dengan pengambilan itu—

- (a) Lembaga hendaklah mengganti rugi Kerajaan terhadap semua kos, caj dan perbelanjaan yang dibuat oleh Kerajaan berhubung dengan pengambilan itu;
- (b) Lembaga tidak boleh, tanpa izin bertulis dari Menteri, menjual, menukar atau dengan cara lain melupuskan tanah itu atau apa-apa kepentingan atasnya.

Pindah-
milik
harta
kepada
Lembaga

40. (1) Yang di-Pertua Negeri boleh pada bila-bila masa dengan perintah meletakkan mana-mana tanah Kerajaan atau harta alih Kerajaan pada Lembaga jika dikehendaki dibuat demikian bagi membolehkan Lembaga menjalankan kewajipan-kewajipan dan tanggungjawab-tanggungjawabnya.

(2) Harta yang terletak pada Lembaga di bawah seksyen ini boleh terletak sedemikian secara mutlak atau tertakluk kepada apa-apa terma dan syarat yang difikirkan patut dikenakan oleh Yang di-Pertua Negeri.

(3) Jika mana-mana tanah diletakkan pada Lembaga di bawah seksyen ini maka suatu hantaran salinan perintah yang berkenaan hendaklah, walau apa pun apa-apa peruntukan mana-mana undang-undang Negeri yang berlawanan, memberi kuasa yang cukup kepada mana-mana pegawai awam yang bertanggungjawab bagi mendaftarkan urusan-urusan mengenai tanah atau pengeluaran hakmilik baginya, dan mana-mana pegawai itu hendaklah dengan segera, tanpa mengenakan bayaran, mengambil semua langkah yang perlu bagi menyempurnakan hakmilik Lembaga atas tanah itu.

Kuasa-kuasa
darurat
Pengurus
Besar

41. Dalam sesuatu keadaan darurat, Pengurus Besar boleh mengarahkan pelaksanaan sesuatu kerja atau perlakuan sesuatu tindakan yang Lembaga diberikuasa untuk melaksanakan dan melakukan dan yang ia tidak diberikuasa dengan nyata untuk melaksanakan atau melakukan oleh peruntukan-peruntukan Enakmen ini atau peraturan-peraturannya dan pelaksanaan atau perlakuannya yang segera adalah pada pendapatnya perlu, dan ia boleh mengarahkan bahawa perbelanjaan melaksanakan kerja atau perlakuan tindakan itu hendaklah dibayar dari wang Lembaga.

Dengan syarat bahawa—

- (a) Pengurus Besar tidak boleh mengambil apa-apa langkah di bawah seksyen ini berlawanan dengan sesuatu ketetapan Lembaga yang telah diluluskan dengan sempurna di sesuatu mesyuarat; dan
- (b) ia hendaklah melaporkan apa-apa jua yang dilakukan di bawah seksyen ini di mesyuarat Lembaga yang berikutnya.

Kuasa
menggantung
fungsi-
fungsi
eksekutif

42. Walau apa pun mana-mana peruntukan yang lain Enakmen ini, Yang di-Pertua Negeri boleh dengan perintah menggantung semua atau mana-mana fungsi eksekutif Lembaga atau mana-mana

LEMBAGA KEMAJUAN
PERHUTANAN NEGERI SABAH

23

ahli atau pegawai atau penjawat Lembaga dan memertanggungjawabkannya ke atas mana-mana orang bagi sesuatu tempoh yang disifatkannya patut.

43. (1) Kecuali bagi maksud-maksud Enakmen ini atau sesuatu prosiding jenayah di bawah Enakmen ini, tiada seseorang ahli, atau pegawai atau penjawat Lembaga boleh menzahirkan apa-apa maklumat mengenai sesuatu urusan individu, yang telah didapatinya semasa menjalankan kewajipan-kewajibannya dan yang tidak disiarkan menurut Enakmen ini.

Kerahsiaan
dan penalti

(2) Seseorang yang dengan disedarinya melanggar peruntukan subseksyen (1) adalah bersalah atas suatu kesalahan dan apabila disabitkan boleh dikenakan denda tidak lebih daripada lima ribu ringgit atau penjara bagi suatu tempoh yang tidak lebih daripada satu tahun.

44. (1) Tiada sesuatu tindakan, guaman, pendakwaan atau prosiding lain boleh dibawa atau dimulakan sendiri terhadap mana-mana ahli Lembaga atau terhadap pegawai atau penjawat yang dilantik oleh Lembaga berkenaan dengan sesuatu tindakan yang dilakukan atau pernyataan yang dibuat secara *bona fide* menurut atau pada melaksanakan atau pelaksanaan yang dicadangkan Enakmen ini.

Perlindungan
terhadap
prosiding
undang-undang

(2) Jika seseorang dikecualikan daripada tanggungan hanya oleh sebab peruntukan seksyen ini maka Lembaga bertanggung setakat yang ia akan bertanggung jika orang itu adalah penjawat atau ejen Lembaga.

45. Semua ahli, pegawai dan penjawat Lembaga hendaklah disifatkan sebagai penjawat awam dalam erti Kanun Keseksaan.

Pengkhidmatan
awam Akta
574

46. Akta Perlindungan Pihak Berkuasa Awam 1948 hendaklah dipakai bagi sesuatu tindakan, guaman, pendakwaan atau prosiding terhadap Lembaga atau terhadap mana-mana ahli, pegawai, penjawat atau ejen Lembaga mengenai sesuatu tindakan, kecuaihan, atau kemungkiran yang dibuat atau dilakukan oleh Lembaga atau orang-orang itu atas sifatnya yang demikian itu.

Akta
Perlindungan
Pihak
Berkuasa
Awam
1948
Akta 198

47. Bagi maksud mana-mana undang-undang yang berhubung dengan tanah Lembaga hendaklah disifatkan sebagai Anak Negeri.

Lembaga
hendaklah
disifatkan
sebagai Anak
Negeri

48. Sesuatu pendakwaan bagi suatu kesalahan di bawah Enakmen ini boleh dijalankan oleh mana-mana orang yang diambil kerja oleh Lembaga atau oleh mana-mana pegawai awam yang diberikuasa secara bertulis bagi maksud itu oleh Peguam Besar Negeri.

Orang-orang
yang
diberikuasa
untuk
mendakwa

Izin
pendakwaan

49. Tiada sesuatu pendakwaan bagi sesuatu kesalahan yang boleh dihukum di bawah Enakmen ini boleh dimulakan kecuali dengan atau dengan izin terdahulu secara bertulis dari Peguam Besar Negeri.

Kuasa
membuat
peraturan

50. Yang di-Pertua Negeri boleh membuat peraturan-peraturan yang tidak berlawanan dengan peruntukan-peruntukan Enakmen ini yang menetapkan apa-apa jua yang dikehendaki oleh Enakmen ini dan bagi perjalanan yang lebih baik peruntukan-peruntukan Enakmen ini.

Penansuhan
dan
kecualan
En. No 20/
1976

51. (1) Enakmen Lembaga Kemajuan Perhutanan Negeri Sabah 1976 adalah dengan ini dimansuhkan.

(2) Walaupun Enakmen yang dinyatakan dalam subsekysen (1) telah dimansuhkan—

- (a) pertubuhan perbadanan yang ditubuhkan di bawah Enakmen yang dimansuhkan itu hendaklah terus wujud seolah-olah ia telah ditubuhkan di bawah Enakmen ini;
- (b) apa-apa hak, keistimewaan, kewajipan atau tanggungan yang diperolehi, terakru atau dibuat di bawah Enakmen yang dimansuhkan itu hendaklah terus menjadi sah seolah-olah ia telah diperolehi, terakru atau dibuat di bawah Enakmen ini;
- (c) apa-apa jua jenis harta yang dimiliki atau terletak pada pertubuhan perbadanan yang ditubuhkan di bawah Enakmen yang dimansuhkan itu hendaklah terus dimiliki atau terletak pada Lembaga;
- (d) apa-apa suratikatan, bon, perjanjian, suratcara dan perkiraan kerja yang wujud sebelum sahaja Enakmen ini mula berkuatkuasa hendaklah terus berkuatkuasa dan berkesan terhadap atau bagi Lembaga;
- (e) apa-apa perlantikan yang dibuat di bawah Enakmen yang dimansuhkan itu atau mana-mana perundangan subsidiari yang dibuat di bawahnya hendaklah terus berkuatkuasa dan berkesan seolah-olah ia telah dibuat di bawah Enakmen ini;
- (f) apa-apa perundangan subsidiari yang dibuat di bawah Enakmen yang dimansuhkan itu hendaklah setakat yang perundangan subsidiari itu tidak berlawanan dengan peruntukan-peruntukan Enakmen ini terus berkuatkuasa dan berkesan seolah-olah ia telah dibuat di bawah Enakmen ini dan boleh dimansuhkan, diperluaskan, diubah atau dipinda dengan sewajarnya;

LEMBAGA KEMAJUAN
PERHUTANAN NEGERI SABAH

25

- (g) apa-apa tanggungan seseorang untuk didakwa atau dihukum bagi kesalahan-kesalahan yang dilakukan di bawah Enakmen yang dimansuhkan itu atau apa-apa prosiding yang dibawa mengenai kesalahan itu sebelum Enakmen ini mula berkuatkuasa adalah tidak tersentuh;
- (h) apa-apa prosiding, sama ada sivil atau jenayah, atau sebab tindakan yang menunggu perbicaraan atau wujud sebelum sahaja Enakmen ini mula berkuatkuasa oleh atau terhadap pertubuhan perbadanan yang ditubuhkan di bawah Enakmen yang dimansuhkan itu boleh diteruskan atau dibawa oleh atau terhadap Lembaga; dan
- (i) mana-mana orang yang, sebelum sahaja Enakmen ini mula berkuatkuasa, telah diambil kerja, sebagai pegawai atau penjawat pertubuhan perbadanan yang ditubuhkan di bawah Enakmen yang dimansuhkan itu hendaklah terus diambil kerja oleh Lembaga sebagai pegawai atau penjawat, mengikut mana yang berkenaan atas terma-terma dan syarat-syarat perkhidmatan yang sama.